

四庫全書

史部

欽定四庫全書

欽定大清會典則例卷一百五十四

光祿寺

一祭祀執事恭遇

親祀各

壇

廟飲福受胙本寺卿少卿進爵進胙爵胙案左右滿署

官各一人專司爵盤○乾隆四年奏準祭祀

壇

廟太常寺移文取監宰官本寺委署正一人赴宰牲所  
會執事官監宰牲瘞毛血○十七年奏準

大祀宰牲增光祿寺卿一人監視

一頒胙祭

天

地

社稷宗人府內閣各十斤六部理藩院都察院大理

寺通政使司詹事府鑾儀衛京畿道各七斤順  
天府太常寺太僕寺光祿寺六科五城

起居注各五斤翰林院國子監鴻臚寺太醫院欽

天監中書科各四斤內務府掌儀司牲俎半分

祭

太廟

前代帝王廟宗人府內閣各二十斤六部理藩院都  
察院大理寺通政使司詹事府鑾儀衛京畿道

各十有五斤順天府太常寺太僕寺光祿寺六  
科五城

起居注各十斤翰林院國子監鴻臚寺太醫院欽  
天監中書科各七斤內務府掌儀司牲俎一分  
胙肉由太常寺交送本寺分派委官監視傳知  
各衙門於祭所支領

一滿席一等席用麵百二十斤紅白饊支三盤  
餅餌二十四盤又二椀乾鮮果十有八盤二等

席用麵百斤品數與一等席同三等席用麵八十斤紅白饅三盤棋子四椀麻花四盤餅餌十有六盤乾鮮果十有八盤四等席用麵六十斤紅白饅三盤棋子四椀麻花四盤餅餌十有六盤乾鮮果十有八盤五等席用麵四十斤品數與四等席同六等席用麵二十斤紅白饅三盤棋子二椀麻花二盤餅餌十有二盤乾鮮果十有八盤

萬壽聖節元旦朝賀公主郡主成婚各燕皆用四等  
席燕朝鮮國進貢正副使西藏達賴喇嘛班陳  
額爾德尼貢使除夕

賜下嫁外藩公主暨蒙古王公台吉等饌筵皆用五  
等席每席用熟鷄一

經筵講書衍聖公來朝及朝鮮進貢押物等官安南  
琉球暹羅緬甸蘇祿南掌等國貢使都綱喇嘛  
番僧來京各燕皆用六等席每席用熟雞一

經筵用熟鷲一乳酒每瓶十斤黃酒每瓶十有五斤  
乳茶以筭計筵席茶酒數目均照禮部劄辦送  
○奠筵曰近前饌筵曰隨筵曰午奠筵近前饌  
筵用麵百三十斤由內務府造辦品物移寺備  
進隨筵用麵百二十斤由寺造辦

妃

嬪近前饌筵用一等隨筵用三等

貴人近前饌筵用一等隨筵用四等常在答應女



子近前饌筵隨筵均用五等

皇太子近前饌筵用一等隨筵用二等

皇子近前饌筵用一等隨筵用三等應用燒酒及

品物均據內務府來文辦送○滿一等席價銀

八兩二等席七兩二錢三分一釐三等席五兩

四錢四分四等席四兩四錢三分五等席三兩

三錢三分六等席二兩二錢六分

一漢席文武會試考官入闈出闈各燕用漢席

主考知貢舉等官每席用肉饌蒸食果實三十  
四器同考官監試御史提調官每席用肉饌蒸  
食果實三十一器內簾外簾收掌四所及禮部  
光祿寺鴻臚寺太醫院各執事官每席用肉饌  
蒸食果實二十六器酒每席一斤

實錄會典等書告成

賜燕用漢席與入闈出闈燕同文武

殿試讀卷等官

賜飯用漢席每人日給三餐每席肴饌十椀糕餅四

盤乾果八盤酒一斤午餐去糕易鮮果一盤閱

卷之末日午餐加寶裝花一座鷲肉一盤餅餌

四盤小菜四碟進士給二餐朝餐人給湯一椀

饅頭四午餐人給餅四梨二茶一巡文武進士

恩榮燕會武燕皆用漢席讀卷執事各官每席寶裝

花一座大小錠二十八大小饅頭二十二糕餅

三盤鷲雞猪羊前蹄五生鷲雞羊肉四熟肴饌

八椀果實五盤進士每席寶裝花一座絹花三  
朶中小錠二十八饅頭二糕餅四盤羊雞魚三  
生羊肉一熟肴饌八椀乾果五盤湯三椀酒一  
斤漢席所用品物各按時價覈銷

一誦經供品喇嘛僧道啓建道場誦經經棚供  
獻齋筵應用品物均依掌儀司來文由寺委官  
辦送監經官每餐人各素饌一席十二器執事  
各官每餐二人合素饌一席由寺備供喇嘛僧

道等所需齋食各折價給銀大喇嘛日給銀四錢五分文贊德木齊日給銀三錢衆番僧日給銀一錢五分掌印僧道官日給銀三錢九分僧道官日給銀二錢六分衆僧道日給銀一錢三分鋪排日給銀九分鼓手日給銀六分五釐步軍日給銀四分如有薰壇各給七日半齋銀○又定承辦漢席及祭筵卓飯誦經供品齋食應用茶役厨役蒸鍋匠粘果匠拖鑪匠均計工給

直每工一錢五分其

中正殿等處喇嘛誦經造辦飯食應用厨役工直  
據掌儀司來文數目覈給

大官署

一供用蔬菜

奉先殿薦新羹羹菜茼蒿菜蘿蔔茄子黃瓜香瓜西瓜  
由署辦送上墳奠筵所需香瓜西瓜鮮菜各據  
所司移付給發朝鮮安南琉球西洋暹羅緬甸

蘇祿南掌及土魯番鄂羅斯諸國貢使內藥房  
醫生通曉天文之西洋人每日廩給所用蔬菜  
據禮部劄欽天監太醫院來文給發

一供用猪及猪肉設行戶一人和買每猪五十  
斤內用給價三兩一錢五分外用二兩五錢小  
猪三錢九分猪肉內用每斤六分五釐外用每  
斤五分猪油內用每斤五分二釐外用每斤五  
分蹄每斤二分八釐心肺每副二分八釐肝每

斤二分七釐胃四分猪首每斤二分舌二分腰  
子一分五釐尾五分管每根一分五釐脊髓每  
斤八分四釐大腸每條二分八釐小腸每條一  
分九釐醃肉每斤六分五釐燻肉每斤八分火  
腿肉每斤一錢

奉先殿節序忌辰之祭應用猪及肉饌文武會試

賜燕用猪肉均由署備送

大內種痘祀



神應用猪下嫁外藩公主郡主等館於

京師月給猪及猪肉咸安宮景山教習廩給用猪  
肉及各處增用猪油據內務府來文給發恭鑄  
金寶用猪鑄印用猪首除夕

賜來京朝賀之下嫁外藩公主郡主縣主額駙蒙古  
王貝勒貝子公台吉塔布囊等猪朝鮮諸國貢  
使從人每日給猪肉據禮部劄給發通曉天文  
之西洋人內藥房醫生廩給猪肉據欽天監太

醫院來文給發○乾隆十三年定尚膳房應用  
猪及猪肉等物按月分三旬支銀  
竝尚膳來文  
開數覈銷

一收貯器物原存方卓五十九條卓一百十有  
四策卓四百十有七紅油卓五百六十一紅油  
高卓二金漆高卓一奠卓四○乾隆十五年工  
部造送卓三十卓圓一百七十三金漆椅三百  
二十二椅墊同木架三十一繩絆六十二木槓

六十八木匣三

珍羞署

一供用禽兔魚鮮設行戶二人和買鷺內用六錢五分外用三錢八分雞內用二錢九分外用一錢三分鴨內用二錢三分外用一錢五分雞雛一錢野雞一錢二分野鴨六分鵪鶉二分五釐雞卵三釐五毫鴨卵七釐鷺卵六分○設網戶長六人網戶五十四人人給地三十六畝令

供鴻雁雉兔鴨卵又設網戶九十一人各給地三十畝令供魚鮮○乾隆元年奏津祭祀用兔令貢鮮網戶交送每人增地十有五畝官地有與網戶附近者移文戶部撥給

奉先殿以時薦新所用子鶩新雞水鳧鴻雁兔銀魚鴨卵

壽皇殿子鶩新雞據內務府來文各祭祀為醢用兔據太常寺來文備送

萬壽聖節筵燕用熟鷄正月初八日進

皇太后

皇帝

皇后子鷄新雞均由署辦送○下嫁外藩公主郡主等館於

京師月給雞鷄等物據內務府來文開數覈銷衍聖公來京朝鮮等國貢使廩給用雞鷄據禮部劄給發○乾隆十三年定尚膳房應用雞鴨等

物每月分三旬給銀俟尚膳房開數覈銷

一供用乳茶設茶長一人熬茶蒙古十有一人

給地七百二十畝熬茶一甬用黃茶一色鹽一

兩乳油二錢牛乳一錫錠

每錠重三斤八兩

黃茶於戶

部移取牛乳於良醞署移取鹽於掌醞署移取

熬茶器四於工部移取○慶典筵燕用茶

經筵講書除夕給下嫁外藩公主蒙古王等筵席迎

送下嫁外藩公主蒙古王等迎送出征大將軍

經畧達賴喇嘛貢使五日給筵席朝鮮等諸國  
貢使除夕給筵席各有

賜茶上墳致祭乳茶均據禮部劄內務府來文備送  
一供用米麵等物設行戶一人和買飛羅麵每  
斤四分九釐一等麵每斤二分五釐二等麵每  
斤二分二釐三等麵每斤一分六釐秬米每石  
二兩二錢小米每倉石一兩五分小黃米每石  
一兩三錢赤小豆每倉石八錢白豆每倉石一

兩一錢蕎麥糝每倉石一兩二錢

萬壽聖節筵燕用紅白饊支大小餅餌酥油碁子各  
二十盤文武會試

賜燕用寶裝花大中小錠大中小饅頭糖色子蒸餅  
雞鷲來皮餅圓酥餅白花餅醃魚粉湯均由署  
備送○衍聖公來京達賴喇嘛朝鮮等國貢使  
廩給用麵據禮部劄內閣開館糶糊用麵據各  
館來文給發



一收貯器物龍餅一白瓷盤三白瓷爵二白瓷  
壺二柸木大小匣六龍合一錫酒漏一水桶一  
黃段袂繪龍布袂各一擡夫所用紅遜衣黃翎  
帽紅布帶各十有六羊角鐙旗杖各一對木擗  
二紅布九十疋白布七十九疋福酒盛以龍餅  
爵盞胙肉盛以龍盤如有闕損移文工部行江  
西省造送其蓋盤盞之黃絹龍袂及筵席所用  
纏蓋布疋絹袂油單及紙均於工部移取○乾

隆十三年奏泮纒卓布疋向來移取戶部河南  
大布嗣後遺失賠補令照官價交納戶部以杜  
調換之弊

良醞署

一供用酒醴設酒局房二十四間於西安門內  
酒匠六名酒尉二名每歲春秋二次釀造旨酒  
黃酒每糯米一石釀旨酒九十斤用玉泉山水  
加淮麴七斤豆麴八斤花椒八錢酵八兩用箬

葉四兩麻三兩每糯米一石釀黃酒一百三十斤用井水加淮麴八斤豆麴五斤八兩花椒八錢麴八兩用箬葉四兩麻三兩各用銚油四兩麴箬葉麻椒於掌醢署移取米於戶部移取煤炭囊餅罈瓮於工部移取其黃酒糟粕每米一石得燒酒二斤貯局備用又設燒酒行戶一人和買燒酒每斤二分一釐

萬壽聖節用乳酒燒酒黃酒由署辦送筵燕祭祀用

酒朝鮮國貢使給黃酒據禮部劄給發朝鮮貢  
使黃酒每壺重一斤八兩燕祭所用乳酒每餅  
十斤黃酒燒酒每餅十有五斤兼用乳酒一餅  
者重三斤禮部劄取用黃酒燒酒若干餅者給  
乳酒一餅餘用黃酒燒酒各半其止用酒一餅  
者給燒酒一餅致祭蒙古王等用燒酒據禮部  
劄折價交往祭官採買應用祭祀用旨酒據太  
常寺奏文給發每餅重一斤十有二兩用福酒

二餅每餅重二斤

雍正元年增一餅重十有八兩

一供用乳酒酥油設行戶一人和買乳酒內用

每斤五分外用每錠一錢酥油每斤銀一錢八

分○

大內所用牛乳

壽皇殿等處所用酥油據內務府來文開數覈銷番僧

誦經用乳酒據內務府來文給發每碗重一斤

於尚膳房取用

陵寢用酥油乳餅據

陵寢禮部來文給發朝鮮等國各貢使廩給用牛乳酥

油據禮部劄給發

一供用羊及羊肉設行戶一人和買每羊價銀

一兩三錢羊肉內用每斤五分五釐外用每斤

四分七釐羊肝腸每斤二分四釐胃每箇四分

腸每副一錢五分○文武會試

賜燕羊腔前蹄羊肉酒均由署備送除夕

賜來京朝賀之朝鮮安南琉球西洋暹羅緬甸蘇祿  
南掌土魯番鄂羅斯等國貢使及歸化城都統  
副都統叅佐領蒙古各旂進羊酒官喀爾喀厄  
魯特來京之首領官護衛台吉塔布囊達賴喇  
嘛正副使拉穆扎木巴噶布楚從人等給羊  
肉陝西岷州入貢番僧廩給羊肉

盛京禮部差送

陵寢祭品

盛京吉林黑龍江將軍遣貢水陸土產各官役

盛京喇嘛來京領香徒衆均給羊肉十日捕牲烏

喇貢人參及東珠各官赫徵費雅喀庫爾喀虎

爾哈瓦爾喀等部落鄉長來京娶婦給羊肉二

十日歸并上三旂滿洲蒙古佐領厄魯特護軍

驍騎從役給羊肉一月東方索倫薩哈爾察虎

爾哈庫爾喀部落進貢貂皮等物官兵壯丁諸

國貢使通事官從人每日廩給羊肉新滿洲移



家來京計口給羊肉三年朝鮮諸國貢使歸程  
廩給羊折銀均據禮部劄給發鷹房所用羊肉  
據內務府來文給發○乾隆十三年定尚膳房  
應用羊肉據尚膳來文開數覈銷

一收貯器物缸四十五鐵缸一鍋三錫鍋一錫  
罐二提漏二木案二醃六甌一甌篋一石碾一  
鈎杓二通條一

掌醢署

一供用鹽茶等物康熙初年定長蘆鹽運使解送青白正耗鹽甄鹽貯庫備用○九年題淮嗣後每年移取長蘆青白鹽三萬斤甄鹽三千斤○十三年定如貯庫鹽敷用停其解送折價交戶部○又奏濶造木架三座將完整甄鹽收貯其碎者煎成白鹽備用凡煎白鹽一斤用青鹽三斤需用木柴三斤於工部移取○祭祀用甄鹽犧牲所養牲食鹽據太常寺來文

陵寢祭祀用青白執鹽及釀酒鹽麵等物據

皇陵奉祀禮部來文內藥房醫生給鹽據太醫院來文  
筵燕上墳致祭每席用執鹽六錢及內外館駱  
駝食鹽均各據所司來文

盛京將軍禮部吉林將軍送土物官役

盛京寶勝等寺番僧來京領香給鹽十日捕牲烏  
喇進人參東珠各官赫徵費雅喀等部落鄉長  
來京娶婦給鹽二十日歸并上三旗佐領之厄

魯特護軍驍騎及從役給鹽一月新滿洲移家  
來京計口給鹽三年索倫進貂皮官兵壯丁給  
鹽達賴喇嘛貢使從人朝鮮諸國貢使通事官  
從人給鹽及蠟燭衍聖公來京用黃蠟燭宰牲  
用羊油燭上墳致祭用靛鹽均據禮部來劄鐘  
鼓樓等處支更用時辰香據兵部欽天監來文  
鹽茶由本署支發香蠟燭移文戶部取給

一供用果實飴蜜醃醬等物昌平州歲解榛四

石粟四石懷柔縣歲解榛四石五斗○乾隆十三年定每倉石榛作八十斤粟作百二十斤圓眼荔枝作六十五斤乾葡萄作百四十五斤○設果園地四十二頃五十六畝總園頭二人魯家莊園頭六人園丁四十五名涿水縣園頭二人壯丁二名鳳河營園頭六人園丁十有八名葡萄園園頭一人園丁十有四名園地每畝歲徵銀一錢貯庫以充和買鮮果之用設行戶一

人承辦橙價銀五分橘柑四分朱橘白桃紅桃  
石榴二分李杏花紅三釐柿八釐蘋果三分榴  
五釐黃梨波梨一分五釐紅梨棠梨一分三釐  
栳桃一釐青梅橘餅天茄香圓片天門冬銅綠  
每片一錢一分貴圓鳳枝北源茶海參鮫魚每  
斤三錢芋薺白果梔子蕨菜每斤五分荔枝龍  
眼瓜仁白飴糖細桃仁冰糖大料青笋鹿角菜  
海帶菜英額麵每斤一錢紅梅片蜜漬瓜蜜漬

橙鹿筋東磨菇盆糖細酸蝦米紅棉花線每斤  
一錢二分松仁每斤三錢五分長生果白蜜每  
斤一錢六分沙魚翅海粉每斤六錢紅花水香  
草每斤二錢五分白果仁豆麵花椒建蓮肉茶  
食乾葡萄麒麟菜每斤八分桃仁海蜇黃蜜松  
子白糖茴香每斤七分紅蜜蓮肉紅花菜蘇木  
芝蔴酥櫻桃鮮葡萄每斤六分紅棗鮮藕閉甕  
菜土醃麻每斤二分蘇纏麻纏引酵箬葉洗芝

麻十香菜酸梅瓜子菱米金針菜每斤四分八  
寶糖杏仁每斤九分淮麴醃黃瓜醬菜醬茄每  
斤三分醬瓜水辣菜膠棗棒水笋豆豉水豆粉  
每斤二分五釐豆纏梨麵飴糖栗每斤三分五  
釐鮮蓮每斤二分七釐柿餅每斤二分二釐紫  
菜紫粉蜜餞山裏紅蒲黃每斤二錢榛仁每斤  
九分一釐大纏每斤七分二釐玫瑰每斤四分  
二釐小磨香油每斤六分五釐蘇油五分八釐



銚油每斤四分四釐羊油燭每斤五分五釐曬  
棗每斤二分六釐鮮薑每斤四分六釐粉皮每  
斤九釐盤醬每斤一分二釐醋每斤八釐木耳  
胡椒每斤一錢五分水粉每斤九釐醬薑每斤  
七分醬菜藍每斤一分八釐醃菜每斤四釐清  
醬每斤二分二釐乾豆粉每斤四分五釐黑糖  
每斤三分六釐豆芽每斤四釐靛花每斤一錢  
四分銀珠每斤四錢六分豆腐每斤六釐豆瓣

每斤七釐麵筋每斤二分八釐紅麴每斤九分  
六釐芝蔴每倉石二兩紅胭脂每張一分飛金  
每帖五分七釐蒜每箇一釐豆腐皮每張一釐  
六毫豆腐乾每塊五釐米糕每塊三釐黃粉鍋  
渣每箇八釐頭絹花每朵一分寶裝花每座八  
分果套每箇八分椀每箇三分南紅紙每張二  
分二釐插果花每朵四釐更香每束四分

萬壽聖節筵燕用八寶糖冰糖大纏榛栗柿曬棗龍

眼鮮葡萄挾桃蘋果黃梨紅梨棠梨蜜餞山裏  
紅山葡萄糕枸杞糕乾梨麵豆粉糕文武會試  
賜燕用大寶裝花小絹花果品小菜米糕據禮部劄  
兵部來文備送

奉先殿巖菜

壽皇殿用龍眼荔枝葡萄纏糖及一應乾鮮果據內務  
府來文開數覈銷衍聖公來京用果品朝鮮等  
國貢使廩給用乾鮮果及醃菜乾菜香油鐙油

醬醋均據禮部劄給發

典簿

一簿記收貯器用乾隆十三年奏準凡貯庫器  
皿造冊鈐蓋堂印交與四署及司庫收貯再彙  
造總冊交典簿收貯如遇收發令各收貯處開  
明數目移付典簿典簿按季覈對呈堂以備稽  
考

司庫

一出納帑項康熙十年定每年夏季將一年出納及舊管新收開除實在銀數繕造黃冊題銷

○五十三年定每年二次題請戶部銀六萬兩貯庫備用○五十九年議海各行戶名下自三十七年至五十二年所欠借銀除奉

旨著淮安澉墅二關監督代還銀二十一萬兩外尚欠銀十有五萬五千五百四十一兩有奇於各行戶應領銀內每兩扣留五分歲終覈交戶部

以還欠項○雍正五年奏津每歲徵收果園地租隨時酌買鮮果彙入歲終總冊奏銷○六年奏津每銀千兩扣八兩五錢以作平餘○七年奏津果園地租銀造入新收項下彙入總冊題銷○又奏津每月將內外用過銀數繕造黃冊奏銷○又奏津採買鮮果均照覈減價值歸於月冊奏銷○又奏津油交行戶採買醬醋醃菜等物應一并採買入冊報銷○十一年奏津設

立黃冊房總覈四署銀數於滿漢署正內遴選  
幹練者各一人筆帖式二人管理一年更代

十二年奏準各行戶人等應領銀照市平給發  
每銀十兩酌定平餘銀二十二兩貯庫備用年  
終覈明有無動用分析報銷○十三年奏準青  
鹽百斤準滴耗三斤輒鹽百斤準滴耗一斤八  
兩統於年終奏銷○又奏準果園地租及黃茶  
天池茶榛栗鹽酒乳酒黃蠟應用應存並移取

戶工二部米布棉柴炭煤冰等數彙入年終總冊題銷○乾隆二年奉

青年終月奏將一年用過銀數彙總繕摺奏聞○四年奉

青年終奏摺將上年用過銀數別繕摺片進呈○又奏準內用食物據尚膳房來文每月分三旬開具物件銀數繕摺奏

聞○八年奏準平餘銀以八分入正項以二分存充



雜用○又奏準發銀由堂發印領到庫庫使領

鑰開庫照數給發○又奏準行戶領銀數目統

於八月移京畿道磨勘今改河南道○十三年奏準

舊商積欠除扣還外尚未完銀六萬餘兩嗣發

銀每兩扣指二分五釐○又奏準給過銀數及

公用平餘司庫隨即登記印冊開明事件數目

年月呈堂檢閱標明日期以備稽考○十七年

奏準存充雜用之二分平餘銀因不敷用準於

入正項八分內撥銀三百兩增濟○十九年奏  
溥於八分平餘銀內撥銀三百兩存充雜用

一收貯器皿金酒盆二鍾十大執壺二小執壺  
二臺盞二副以上金器十有八件計重六百十  
有三兩八錢五分銀酒盆十有二鍾百五十勺  
三大執壺二小執壺十有九大罐二臺盞十有  
三副茶甬五十以上銀器二百五十一件計重  
四千五百九十二兩七錢銅盤九千六百二十

有二椀八百九十八盛肉盤二百七十三盞碟  
一百七十八

一金銀器皿等物如有應行修理製造移取工  
部匠役本寺官監造

一筵燕祭祀應用明黃金黃紅段黃布蓋袱棉  
褥牙筋木筋木椀茶筩布套荆筐繩槓等項移  
取工部

一筵燕祭祀所用金銀器皿運送車馬人夫及

赴城外並行綠旂官兵護送均移咨兵部

欽定大清會典則例卷一百五十四

欽定四庫全書

欽定大清會典則例卷一百五十五

太僕寺

國初置太僕寺附於兵部武庫司直隸山東河南  
江南額徵馬價六十餘萬兩解寺貯庫歲終考  
覈奏銷至

巡幸沿途需用馬駝由寺豫備應用○康熙七年議  
準直省額徵馬價銀歸戶部考覈奏銷○九年

以兵部大庫種馬二場歸寺管理○雍正三年  
建本寺衙署○乾隆六年奏準本寺口外兩翼  
馬場均齊賞罰及

扈從料理行營駝馬並支領錢糧雖設有員外郎主  
簿等官向未分定職掌亦未鑄給印信一切橐  
案惟以畫押為憑恐日久弊生難免偷改抽換  
及彼此推諉應將見在員外郎八人分為左右  
二司以

巡幸需用黃布幔城網城及分撥牽領馬駝等事歸  
左司承辦以兩翼馬場均齊賞罰等事歸右司  
承辦以題奏本章承發文移等事歸主簿承辦  
筆帖式十有六人以十人分於左右二司六人  
分於主簿廳其左右兩司及主簿廳各鑄給印  
信以昭信守○十四年奏準本寺承辦口外兩  
翼均齊賞罰暨

巡幸沿途辦理行營馱載黃布幔城網城並撥給駝



馬等事皆關緊要額設司官不敷於筆帖式內  
遴選二人給以委署主事銜仍照本職食俸升

轉

一

扈從康熙年間定

京城御河橋東直門及通州之張家灣三處各設

一館餵養駝一百五十隻以備

巡幸馱載行營慢城網城其駝於三月趕赴天津牧

放五月趕赴口外牧放九月回館餵養每駝日  
支豆六升草二束在館廐長一人月給銀三兩  
歲給米四十八斛廐副五人廐丁二十一人均  
月給銀一兩米一斛每人各養場內馬一匹以  
備乘騎至每年員外郎以下等官及廐長等隨  
往兩翼印烙察點孳生暨

扈從辦理行營等事皆用館內所養之馬守館人八  
名每人給地三十五畝令其取租以作工食○

又定馬場官員因公事來京於御河橋館內住  
宿每人日支口糧米二升隨來兵丁人等每名  
日支米一升馬每匹日支草一束均移咨戶部  
支領○又定恭遇

巡幸由寺開列堂官職名請

旨簡用一人

扈從辦理行營幔城網城之事司官筆帖式酌量帶  
往用駝百隻準帶餘駝十八隻凡中途駝有疲

之殘廢者奏明準以所帶餘駝更換倒斃者察  
驗耳尾注冊亦以餘駝撥補沿塗每駝日支草  
一束豫咨戶部行令該管官照數供應隨往之  
廐長等移咨戶部每人日給盤費銀一錢三分  
○乾隆十六年奏準八旗佐領下合計額設駝  
八百餘隻嗣後馱載慢城網城在於八旗額設  
駝內取用所有太僕寺餽養駝百五十隻並在  
館廐長廐副廐丁及守館人等悉行裁汰○十

七年奏準三館餽養駝既經裁汰所有房屋應  
行交部辦理但向來蒙古官兵來京支領俸餉  
及遞送文移均在御河橋館內住宿應將此館  
存留其東直門張家灣二館並看館人原給地  
畝一并交部辦理再原設廐長廐副廐丁共二  
十七人每年出場印烙察點孳生馬匹及辦理  
行營等事皆隨往承辦未便槩行裁汰應酌留  
十人仍給本身錢糧以供前項差使再天津原

有牧駝葦地一區應一并交部辦理至本寺司  
官筆帖式等出場並

扈從均騎三館所養之馬今既經裁汰嗣後如遇此  
等差遣司官筆帖式照護軍校例廐長等照驍  
騎例移咨兵部撥給官馬戶部給與路費所需  
帳房移咨工部支領事竣繳還

一司牧

國初定口外兩翼騾馬羣每羣設牧長一人牧副

一人牧丁十人駟馬羣每羣設牧長一人牧副  
一人牧丁十有二人均於蒙古內按各該旗選  
補牧長人等所需鞍轡每人各一副飼秣所需  
木槽鋤鍬鑷杓等項每羣各二件均五年一次  
移咨工部給發由兵部撥車運送到場若增設  
馬羣照增設之數咨取○康熙三十三年奏準  
駟馬羣牧丁每羣各增二人○四十四年奏準  
左右兩翼各設總管一人於在京應用人內簡

選題請補授三年報滿更代屆均齊時本寺堂  
官親往口外察驗該員經營之馬分別孳生及  
倒斃多寡交與該部議叙議處○又議準兩翼  
各設騾馬羣翼領一人駙馬羣翼領一人遇有  
員闕將應升之人引

見補授○四十五年奏準兩翼馬場總管各鑄給關  
防以專職掌○又議準總管準戴孔雀翎翼領  
準帶藍翎○又議準兩翼馬場牧長牧副牧丁



每月各給銀一兩三年連閏共三十七兩一次  
彙總給發○雍正元年議準牧長牧副牧丁每  
月應給銀停其彙總給發每年春秋二季由寺  
移咨戶部照數支領○又議準牧長內有當差  
年久勤慎者簡選授為協領每翼駝馬羣四人  
駟馬羣一人兩翼共設十人定為八品○又奏  
準兩翼總管停用在京人員於察哈爾佐領等  
官及世爵內簡選一人馬場翼領等官內簡選

一人擬定正陪由寺引

見補授○又奏準馬場副管兩翼共設一人防禦兩翼各設一人驍騎校兩翼共設三人護軍校兩翼共設八人護軍兩翼共設三百十有四人每翼各以護軍五十人專司捕盜其餘入於牧長等內當差副管員闕於防禦內簡選防禦員闕於驍騎校內簡選驍騎校員闕於護軍校內簡選護軍校員闕於護軍牧長內簡選均由總管

保送到寺擬定正陪引

見補授至驍騎校三人除每翼各分一人外餘驍騎  
校一人同副管一人於兩翼輪流補用如副管  
於左翼補授則以驍騎校歸之右翼副管繫右  
翼補授則以驍騎校歸之左翼均報兵部注冊  
至兩翼翼領員關於協領內簡選協領員關於  
牧長內簡選亦由總管保送到寺擬定正陪引  
見補授○又奏準兩翼總管定為正四品副管防禦

定為正五品翼領定為正六品協領定為正七品賞給半俸有世爵銜大者照大銜食俸護軍月給銀二兩並牧長等月給銀由該總管造冊送寺覆覈移咨戶部給發○八年奏準騾馬羣牧丁每羣各裁二人○十年奉

旨馬場官員照八旗察哈爾之例賞給全俸○乾隆十三年奉

旨上駟院所屬馬場其統轄管理有副都統職銜總

管一人太僕寺馬場每翼雖有蒙古總管一人並無統轄大員亦應補授統轄總管欽此○又奏準馬場統轄總管鑄給關防以專職掌

一牧課原定每年春季本寺滿堂官一人往口外將馬駒驗鬪秋季往口外將鬪過三歲之駒撥給入羣每三年將馬場均齊一次屆期奏請欽點前往至員外郎每年春季往口外稽察孳生倒斃各數並訓練馬駒逐一印烙秋冬往口外驗

視肥瘠並訓練馬駒有未印烙及印烙模糊者  
補行印烙○又定騾馬羣每三年均齊時比原  
額孳生多者議賞孳生少及闕額者議罰驕馬  
羣均齊時倒斃少者議賞倒斃多者議罰其馬  
駒內如得調習馴良者送進

御廐備用○又定馬場賞罰於題奏奉

旨後委司官筆帖式前往會同該總管頒賞懲治應  
罰之馬照數追交入羣○康熙十七年題準太

僕寺官員不許擅騎羣內之馬○又議準騎馬  
羣訓練不熟不堪騎用一分以上者該管官罰  
俸三月二分以上者罰俸六月三分以上者罰  
俸九月四分以上者罰俸一年五分以上者降  
一級畱任六分以上者降二級畱任七分以上  
者降三級調用至牧長牧副牧丁等訓練不熟  
不堪騎用五匹以上至二十匹者牧長鞭一百  
牧副牧丁鞭八十二匹以上者牧長鞭一百

降為牧丁牧副牧丁鞭一百若訓練純熟皆堪  
騎用者牧長賞豹皮端罩一件毛青布十疋牧  
副牧丁各賞毛青布十疋○四十一年議準騾  
馬羣三年之內三馬應孳生一匹於應孳生額  
數之外多孳生一百六十匹以上者賞牧長毛  
青布六十疋牧副四十疋八十匹以上者賞牧  
長毛青布四十疋牧副二十疋一匹以上八十  
匹以下者賞牧長毛青布二十疋牧副十疋於



應孳生額數之內少孳生五十匹以下者牧長  
牧副牧丁各鞭四十牧長仍罰牲畜一五百匹  
以下者牧長牧副牧丁各鞭五十牧長仍罰牲  
畜一七百匹以上者牧長牧副牧丁各鞭六十  
牧長仍罰牲畜一九若於原均齊時所給數內  
闕少者將牧長牧副牧丁各鞭八十牧長仍罰  
牲畜二九至該管翼領統計所管馬羣如七羣  
八羣得賞者賞翼領緣領羊皮段袍一件毛青

布二十疋九羣十羣得賞者賞狼皮或狐皮端  
罩一件毛青布二十疋十一羣十二羣以上得  
賞者賞狼皮或狐皮端罩一件緣領羊皮段袍  
一件毛青布二十疋如七羣八羣受罰者翼領  
罰牲畜一九九羣十羣受罰者罰牲畜二九十  
一羣十二羣以上受罰者罰牲畜三九若所管  
馬羣賞罰各半者翼領無賞無罰○又議準馬  
場應賞皮袍端罩移咨工部給發布疋移咨戶

部給發運送車及護送兵移咨兵部給發○雍正元年議準協領所管之馬如十二羣至十四羣得賞者賞毛青布十疋十五羣以上得賞者賞毛青布二十疋十羣至十四羣受罰者鞭五十十五羣以上受罰者鞭六十○三年奏準總管所管馬羣除驕馬羣並兼入驕馬羣騾馬羣之小馬駝馬馬駒外孳生以五百匹為一分闕少原額以二百匹為一分孳生一二分者存案

三分者加一級三分以上者按其分數存案加  
級闕少不及一分者免議闕少一分者罰俸六  
月二分者罰俸一年三分者降一級畱任四分  
以上者革職○又議準馬場蒙古有犯罪應罰  
馬者改為罰牛○又議準兩翼驃馬騾馬以一  
百六十八羣為定額驃馬十六羣不過五千匹  
騾馬一百五十二羣不過三萬五千匹合共以  
四萬為止四萬之外多餘者奏明請

旨○四年議準每年由寺稽察馬場照例具奏仍交  
兵部詳覆覈奏○又奏準每年察點馬場之後  
所有倒斃馬皮交張家口監督收領於年內解  
送到京令製造庫擇其堪用者存留不堪用者  
由寺照時價變賣將價銀奏交戶部如監督故  
意遲延不依限解送者察叅○五年奏準協領  
所管十八馬羣內十二羣以上得賞者賞毛青  
布十疋若皆得賞者賞毛青布二十疋有因馬

羣受罰應鞭五六十者均停其鞭責罰牲畜  
一七〇八年奏準驕馬羣將原交之數作為十  
分一年內倒斃一分者仍準賞給牧長賞毛青  
布二十疋牧副十疋倒斃二分者無賞無罰倒  
斃三分者牧長罰馬一五入於馬羣牧副鞭四  
十若倒斃過多牧長牧副牧丁各鞭一百牧長  
降為牧丁仍罰馬三九入於馬羣〇十三年議  
準統轄總管通計兩翼之馬孳生以千匹為一

分闕少原額以四百匹為一分多孳生一二分者存案三分者加一級三分以上者按其分數存案加級闕少不及一分者免議闕少一分者罰俸六月二分者罰俸一年三分者降一級畱任四分以上者革職○十五年覆準場內馬駝有病者該管協領加意調治若繫齒老殘傷倒斃者驗明印烙剝取其皮注冊十日內報翼領翼領報總管總管報統轄總管於夏冬二季造

冊報寺察覈

一牧場康熙年間定兩翼牧場統計見有之馬  
均勻分配定為騾馬四十羣驢馬八羣○十一  
年奏準場内生癩之馬由總管開報每匹用藥  
一兩在上駟院支取調藥蘇油八兩在戶部支  
取○二十三年增騾馬二十四羣○三十三年  
增騾馬十六羣○三十六年增騾馬四羣驢馬  
八羣○三十九年增騾馬三羣○四十五年增



騾馬六羣○四十八年增騾馬二十七羣○四十九年增騾馬八羣○雍正元年增騾馬二十四羣○乾隆五年奏準兩翼馬場共計騾馬一百五十二羣騎馬十有六羣按雍正三年議定在場之馬以四萬匹為止若孳生多餘奏明請旨從前因用兵動用八旗官馬即將孳生多餘者照數撥補今八旗官馬均足定額又無別處可用見在兩翼除四萬匹之外共孳生多餘七千二

百二十四匹內騾馬一千五百二匹分為八羣  
統計騾馬一百六十羣駙馬五千七百三十二  
匹分為十六羣統計駙馬三十二羣兩翼均分  
各在該管場內牧放○八年議準兩翼馬場原  
各有一定處所恐日後不無溷淆應立界以垂  
久遠左翼四旗東以布濩衣卜拉克為界西以  
察漢齊勞臺為界相距計一百五十里南以都  
什山為界北以虎時呼蘭臺山巴顏托羅垓為

金  
卷一百五十五  
界相距一百三十里右翼四旗東以庫努克托  
羅垓努赫圖溝為界西以朱魯臺烏赫爾齊勞  
為界相距一百五十里南以克衣格達瓦都得  
衣哈喇為界北以布爾噶蘇臺河南岸為界相  
距三十二里各該翼騾馬駟馬照所定之界游  
牧其中彼此不得侵越並不許私自墾種○十  
五年覆準兩翼總管令其在騾馬駟馬羣適中  
之地居住騾馬駟馬兩羣翼領令其各在所管

馬羣適中之地居住協領於該旗適中之地居住以便各就近約束照管加意牧放至兩翼副管及防禦驍騎校護軍校各於本翼本旗地方不時輪流巡察遇有牧丁人等偷馬私賣及私與人乘騎者立即拏報由該總管覈明將能察拏多者報部官給紀錄護軍記名俟有應升之官先補若漫不巡察致被別處拏報官罰俸三月護軍鞭四十



順天府

一進春每年六月移文欽天監按年建干支校  
正春牛之色繪圖送監譯寫豫設米棚造芒神  
土牛於東直門外迎春坊又設米棚於順天府  
大門內先立春一日府尹率僚屬赴東郊迎祭  
禮成鼓吹迎入府大門安設采棚內立春日府  
學生員公服昇進呈芒神土牛春山由

午門進至後左門府尹隨禮部尚書侍郎恭進至

乾清門暨

慈寧門退乃率僚屬執耒仗立土牛旁擊鼓環擊土牛者三以示勸耕之意

一

耕藉襄事前期一日隨戶部禮部恭進耒耜絲鞭種種種青箱咸蟒袍補服由

午門左門入至

太和殿丹陛下戶部官以次奉至

中和殿恭候

皇上御殿閱畢戶部官奉耒耜青箱至

太和殿丹陛下授本府官由

午門左門出設采亭內送至耕所至日集耆老三  
十四人上農夫十人中農夫十人下農夫十人  
於采棚左右設

親耕黃耒於

帝藉正中駕以黃犢尹蒞戶部尚書進耒畢恭奉絲



鞭以進耆老二人牽牛上農夫二人扶犁丞奉  
青箱從戶部侍郎播種設從耕三王九卿朱耒  
於

帝耜兩旁左五右四立表以識駕以黝牛各用耆老  
一人牽牛農夫二人扶犁府佐貳暨兩縣丞簿  
奉青箱播種禮成尹率僚屬蟒袍補服耆老農  
夫披蓑戴笠序立

觀耕臺前西旁北嚮聽鴻臚寺官贊行三跪九叩禮

視耆老農夫終畝各賞布四疋○雍正四年覆  
準藉田所收玉粒交與太常寺登貯

神倉以供粢盛○又覆準

耕藉所用耆老四十四名農夫四十三名樂工二百  
十有六名停其於外州縣行取於大宛二縣五  
城內行取選用演習九日每日各給飯錢百文  
於兩縣鹽當稅內動支歲終由府奏銷

一致祭

金太祖世祖望祭

元太祖世祖陵祭

明宣宗孝宗世宗陵應用物品物由府行令大興宛平

房山三縣昌平州備辦

一鄉飲酒禮每歲正月十五日十月初一日舉

行由府豫期具題

一經理錢穀乾隆十三年

諭順天府尹所轄州縣向例惟大計考覈會同直隸

總督其餘錢糧事件皆由總督報銷朕思府尹有  
管轄屬員之責所屬錢糧支用就近稽察較之直  
隸總督更為親切自應會同辦理以杜侵冒從前  
定例殊未妥協著該部另議更正欽此遵

旨議準嗣後順天府所屬州縣徵收賦稅凡酌撥俸  
餉畱支經費並一應動支數目令各屬通詳直  
督府尹公同稽察仍於報銷時互相考覈會銜  
具疏所屬催科完欠分數與直督一例考成

金少四ノノ二  
卷一五ノ一  
一召募

壇廟夫役順治初年定各

壇廟壇戶廟戶庫夫所夫均由太常寺咨府飭各州縣  
僉送農民充役一年更代每名月給工食銀五  
錢三分各於該州縣支給惟

先農壇壇戶工食由太常寺支給○乾隆六年覆準  
壇戶廟戶一百三十九名庫夫四名犧牲所夫二十七

名除

先農壇戶向給耕地不給工食外至

壇戶廟戶庫夫所夫一百五十名每名月給工食五錢  
三分每年每名計給銀六兩三錢六分犧牲所  
夫二十七名令大興宛平等二十七州縣各召  
募一名

壇戶廟戶庫夫一百二十三名令大興宛平通涿昌平  
等五州縣各召募六名良鄉固安房山永清東  
安三河武清寶坻遵化薊等十州縣各召募五

名香河寧河文安霸大城順義懷柔等七州縣  
各召募四名保定平谷密雲玉田豐潤等五縣  
各召募三名共數一百五十名之數送府轉送  
太常寺分給

壇廟應役照例一年更換

一供備

壇廟犧牛乾隆十年議準每年祭祀應用牛一百九十  
有七犧牲所入滌牛歲須二百四十除交內務

府於牧羣滋生牛內擇毛角整齊堪中犧牲之  
選者盡數送犧牲所牧養備用外餘交順天府  
飭所屬大興宛平通涿昌平霸薊遵化等八州  
縣各採買十頭良鄉房山文安大城武清寶坻  
三河豐潤玉田等九縣各採買八頭固安永清  
東安香河寧河順義懷柔密雲等八縣各採買  
五頭保定平谷二縣各採買四頭以符二百之  
數每牛給價六兩於該州縣地丁銀內支銷每



年於正二三四七八九十等月陸續交送太常寺同府尹驗明毛角純整交犧牲所芻牧以供祀事如牧羣所交每年不敷四十仍移順天府飭州縣於八九十月增買足數如牧羣滋生繁多交送逾額即移順天府令州縣照數減買

一學校康熙二十八年議準

文廟致祭凡琴瑟祝敔蕭管鐘磬之屬禮宜備具惟順天府學獨無該府丞會同府尹照例修設

一遇京察并甄別本府將所屬京職考註優劣  
造冊咨送部科河南道

一春秋祭

社稷壇例用五色土鋪墊府尹轉行東安縣房山縣  
涿州霸州辦解工部

一祈晴禱雨祈雪救護日月應用祭品等項由  
府行令大宛二縣備辦

一耆老令五城大宛二縣訪舉年高有德者具

結送府給劄許用頂帶宣讀

聖諭

廣訓萬言諭

一提督本府學政雍正九年覆準

京師為四方輻輳之地南北錯處籍貫易於溷淆  
槍手代考以及胥役招搖等弊非府丞考錄不  
足以資彈壓但嚴飭大宛二縣於審音時詳加  
驗聽該府丞仍不時稽察毋令溷冒如大宛二

縣視為具文蒙溷申送照徇庇例議處再考棚  
向在通州以知州為提調兩縣生童非其所統  
屬不能彈壓嗣後應改歸貢院與八旗生童分  
二日考試以順天府治中專司提調與府丞一  
同稽察頂冒代替等弊其中旗民試卷令分編  
字號毋致溷淆○十二年覆準大宛二縣文武  
童生歲科兩試照例由縣審音考試試畢發案  
造冊送府丞考試錄名府考發案造冊送學政

考取入學縣府試卷照例合訂以備覈對如童  
生未經縣府兩試學政不得濫行收考○十三  
年奏準八旗童生照漢童之例取具本旗廩生  
認結都統將名冊齊送禮部部劄府丞考試滿  
教官二人率各廩生當堂識認倘有頂冒將廩  
生一例治罪○乾隆十年議準凡冒籍順天中  
式之進士舉人及貢監生員除入籍二十年並  
無原籍可歸者不議外其未滿二十年及雖滿

二十年尚有原籍可歸者統以部文到日一年為限由科甲出身之見任京官及候選之進士舉人貢監各赴大宛二縣具呈申詳順天府尹廩增附生赴教官具呈申詳府丞學政均一例咨回原籍其生員食餼挨貢悉照舊例按本生年分次第出仕直省之大小各官繫原冒大宛二縣中式及捐納出身者若非入籍已滿二十年並無原籍可歸均呈報該管上司改歸原籍

金史卷一百五十五  
各分報吏禮二部注冊倘逾限不改一經察出  
生監照例褫革候選進士舉貢見任京外各官  
照例革職該管官自行察出免議若被科道糾  
叅旁人告發照例罰俸一年至府考審音之時  
由府丞移咨都察院奏請滿漢御史二人會同  
府丞審音以杜弊竇內有樂舞生應試者亦一  
例審音如聲音不合究出冒籍情弊本生廩保  
照變亂版籍律杖八十革去衣頂申送之地方

官照徇庇例議處受財者各計贓從重論教官  
門斗婪贓計贓治罪

一順天鄉試順治初年定凡順天鄉試一應事  
宜及貢院房舍均隸於府○雍正十二年覆準  
貢院房屋號舍並收貯三場應用什物應設專  
官管理於貢院西轅門內空基蓋造房屋十二  
間令順天府照磨移住掌管貢院及一應存貯  
官物○十三年覆準貢院號舍原設八千三百



十有五間今應試士子日增每科鄉試皆別蓋  
席棚排列坐位方能敷用應增建號舍千六百  
八十五間並前合成萬間之數○乾隆九年覆  
準順天鄉試向設謄錄書手七百六十名於順  
天府所屬州縣吏書內取用今應試士子日增  
應加增二百四十名共足千名以敷謄錄之用  
除原設七百六十名仍於順天府所屬州縣取  
用外不敷二百四十名於保定府屬之安肅定

興新城容城雄新安天津府屬之天津易州屬  
之涑水等八縣每縣取用書吏三十名照順天  
府額編工食之數於地糧項下分作三年畱支  
屆期給發造入奏銷冊內報部覆銷○十一年  
奏準鄉試士子有自攜上蠟者令監試官驗看  
如蠟多而製造不同者即時剖看仍豫備上蠟  
數百斤如剖看無弊即將豫備上蠟補給士子  
納卷時仍照舊例每場納燭價六分委官製造

重蓋油燭點名時同試卷散給如燭不堅好將承辦官叅處

一會試供具雍正八年覆準向來會試供給由順天府移取直隸布政使司庫帑委大宛二縣佐雜官承辦直隸總督彙案題銷嗣後每逢會試之年委賢能司官督率辦理發銀之時禮兵二部堂官會同府尹傳集內外委官當堂給發務令各行戶實領如有官吏藉端需索令行戶

呈告該堂官題叅交部嚴加處治事竣由部會  
府尹題銷○乾隆元年覆準鄉會試冊開場內  
食物向來皆照前科價直銷算物貴時貽累行  
戶賤時冒銷帑項殊未妥協應令大宛二縣訪  
時價豫造細冊鄉試呈送府尹會試呈送禮兵  
二部存案其承辦之官即照所報時價發銀採  
買○十一年

諭文武科場需用器皿食物向由順天府委大宛二

縣動用帑銀分發各行戶備辦近聞承辦之人不能料理妥協以致各行戶未領銀之先吏胥有折扣價直需索陋規之弊及至發價之時復任意短發扣剋中飽著順天府嚴飭大宛二縣即將前項弊端革除如仍蹈故轍一經發覺定將該管各官一并議處欽此

一順天文鄉試順治年間定用正副主考官二人由府題請

勅下禮部於京官中取學行兼優者疏名上請

簡用又咨呈吏部取五經同考官十六人吏部禮部  
會同開列應差官職名題請

欽點其內簾糾察滿漢御史各一人內監試滿漢御  
史各二人外巡察滿漢御史各二人由府咨呈  
都察院開列應差御史職名咨送禮部題請

欽點又外簾官十六人由府咨呈禮部行文各衙門  
取科甲出身之員外主事中行評博內閣中書

國子監助教守部進士舉人並翰林院庶吉士  
行取主事列名題請

欽點八月初六日府丞同主考及執事各官辭

朝赴順天府筵燕入場三場題目府尹恭進豫期  
具題揭曉日期至期府丞恭奉進呈題名錄至  
內閣進呈次日主考及執事各官同中式舉人  
入朝謝

恩赴府筵燕○武鄉試由府呈請兵部堂司官為外

場考試官又題請

勅下兵部開列翰林官職名具題

欽點二人為內場正副主考官又咨呈吏部題請

欽點小京官四人為同考官又咨呈都察院轉送兵

部題請

欽點御史二人為監試官又取京衛經歷列名題請

欽點四人為外簾官其餘悉照文場例行○凡府屬

文武舉人會試由府尹給文送禮部兵部



○凡遇

殿試傳臚日府尹府丞於

長安門外為三及第簪花披紅赴府燕畢送狀元

歸第

一豫備公事雍正七年

諭京師大興宛平二縣知縣常以虧空被叅朕體察其故二縣在輦轂之下每有一時急辦公事不能遲緩者只得那移庫帑以濟用而支領還項未免耽延時

日其上司察知庫帑有虧不得不照例叅劾此等虧  
空實有可原之情朕體恤臣工不忍聽其因辦公而  
遭罷黜為思備用之道著大宛二縣各領戶部銀萬  
兩永遠存貯遇有速辦公事詳明府尹動支應用竢  
支領銷算之時仍復歸還原項歲終報部覈銷如此  
則辦公有賴備用有資倘再有虧空國帑或藉名擅  
動備用銀者定從重治罪欽此

一和雇民車雍正十年

諭京中運送軍營之器械甚多驛站雖備有官車不能  
敷用不得不雇募民車寬裕給價惟是官吏奉行不  
善每於數日之前即將商民之車拘集驛站地方令  
其守候備用至起運之日始給運價其餘耽閣之日  
並不準算以致商民探知信息即皆遠避行旅畏懼  
不前不可不嚴行禁止可詳悉定議具奏欽此遵

旨議準軍營器械據承辦運糧商人代保令車戶運送  
照兵部定例給價至公事需用之車交與大興

宛平房山三縣雇募內務府酌量公事之緩急  
用車之多寡先期行文順天府轉飭該縣等和  
雇不必定以五日之限止須加給二日草料銀  
作正報銷再定例雇募民車行走之時日給銀  
七錢二分在塗住歇日給銀五錢二分今酌議  
如遇回空之差行走十日者以七日計算每司  
召募於起程前一日給以工食  
一畫界分治雍正十二年議準

京師東西南北四城與大興宛平及外州縣地方  
犬牙相錯彼此溷淆皆由城屬不隨京營汛地  
管轄州縣不隨外營汛地管轄之故嗣後悉照  
京營舊制凡城屬地方有越出京營界外者就  
近各歸大宛二縣管轄大宛二縣地方有夾雜  
京營界內者就近各歸四城管轄各按界址豎  
立石碑永遠遵守

奉天府

一每年立春前一日府尹率各官迎春於東郊  
一慶賀每年恭遇

萬壽聖節

皇太后聖壽

皇后千秋及元旦冬至令節本府官朝服齊集

篤恭殿行禮恭進慶賀表箋

一每月逢五日本府官朝服赴

篤恭殿前齊集

一

陵寢四時大饗本府官朝服隨班行禮

一每月朔望

陵寢供獻府尹朝服赴

陵前排班

一每年二八月上丁日致祭

文廟府尹率各官照例行禮

一治賦

國初定田賦每畝徵銀三錢丁賦每丁徵銀一錢五分至二錢不等○順治八年定山海關外荒地甚多有願出關墾地者令山海道造冊報部分地居住○康熙五年定白旗堡小河西兩處地畝令府尹給民耕種照熟地例輸賦廣寧寧遠兩縣曠地給民開墾○十七年定奉天府旗民錯居清丈難以定限令地方官每年設法清



釐許民自首不論多寡隨勘隨報○十九年奏  
準奉天地東自撫順起西至寧遠州老君屯止  
南自蓋平縣攔石起北至開原縣止共丈出民  
界內地五萬二千七百二十六頃五十畝○又  
定奉天新來之民在民界安插緣邊次第墾種  
其原在旗界內居民有願移於民界墾種者有  
仍願在旗界內墾種原地者聽從其便至民人  
力不能開墾又復霸占者嚴察治罪○二十五

年定錦州鳳凰城等處荒地分撥民丁給牛屯  
墾與旗丁同○二十六年定奉天曠土甚多令  
府尹廣置官莊多買牛種酌量發遣人足應差  
使外餘盡令其屯種所收米穀依時豐歉照例  
輸納設立官倉收貯○二十八年議準嗣後民  
丁不許在旗界內墾種○三十二年定民田改  
徵米豆每畝二升五合至七升五合不等○三  
十三年定承德等州縣額徵米以秫黍及黑豆

金  
一斗五升折算一斗暫徵一年○五十二年

諭州縣徵糧之官皆有考成盛京並無考成故每年拖欠嗣後盛京等處徵收米豆官員亦著考成欽此○

又定奉天所屬州縣米豆存貯太多蓋藏浩繁仍改為徵銀○五十四年議準奉天州縣旗民雜處年久暫免其搬移嗣後賣房者在民界內之旗房令其賣與民丁違者照侵奪例治罪○五十五年定嗣後所勘民界內居住房屋不許

賣給旗丁賣買時報明該管官違者嚴察治罪  
○又定承德等州縣仍照舊例徵收米豆○又  
定民丁開墾地畝仍在地方官處具呈轉報

盛京戶部將墾過畝數年終彙冊報戶部察覈○  
五十八年定奉天州縣官如因公差委所屬  
吏目典史等監收民賦不得私委子弟書吏及  
私行借給違者令府尹題叅如府尹徇情不糾  
事發一并交部議處○雍正元年定奉天存貯

米豆甚多倉廩不敷將每年地丁米豆暫於元  
二兩年酌量徵銀以作蓋倉之費○三年定自  
四年為始地畝徵米人丁徵銀所收銀遇有蓋  
倉州縣題請動用餘解

盛京戶部充餉埃收貯黑豆需用將完題請照舊  
徵豆○四年定令府尹會

盛京將軍戶部侍郎同差徃勘丈地畝大臣將十  
四城界內民田公同委賢能屬官勘丈倘有隱

匿不清發覺日將勘丈官從重治罪○六年定奉天文出新舊民地以五分徵收粟米以五分照三分一畝例徵銀所徵銀解交

盛京戶部充餉仍將徵過銀米數目造入每年奏銷冊內具題○八年定自本年為始將奉天所屬每戶下不拘新舊地畝統以十分計算分為三則以四分為上則三分為中則三分為下則按數徵收○又定遼陽等州縣共收岫巖民地

三百四十頃八十八畝一分又收鳳凰城並附  
近岫巖民地六百二十二頃二十五畝九分離  
城遙遠自本年為始全數徵銀○十一年定奉  
天所屬州縣俸工餼廩祭祀等項在於各屬地  
丁銀內存留支銷府屬上司衙門俸工在於附  
近州縣地丁銀內動支所餘地丁及房號雜稅  
仍照例解

盛京戶部充餉

一立學康熙二十八年定奉天滿洲蒙古漢軍  
考取生員令

盛京將軍副都統等驗馬步射能射者交府丞考  
試○雍正五年定奉天所屬見在滿合字號生  
員一百十有九人其見於府城及承德界居住  
者仍隸府學餘著詢明居址撥歸各州縣學每  
遇歲科兩試由該學申送府丞考試一案發落  
按名次補廩補增出貢嗣後滿童生考試先令



該將軍將居址開送府丞以憑撥入州縣各學  
乾隆二年定

盛京照

京師設學以教宗室覺羅子弟於見任司官筆帖  
式內選能繙譯者分教清書於奉天舉貢內選  
有學問者分教漢書於閒散官以下領催驍騎  
以上選諳練騎射者分教馬步射令將軍府尹  
會同本學總管稽察均以五年期滿清書騎射

教習分別等第優者清書教習交部議叙騎射  
教習交本旗以應升遇闕即用漢教習出具考  
語給咨赴宗人府引

見恭候

欽定覺羅子弟將軍府尹考試分等第奏請以

盛京

陵寢各衙門筆帖式用宗室子弟候人數衆多應行考

試時由將軍請

旨○十五年定奉天生員向由府丞選拔應令會同  
府尹在公所覆試驗看

一奉錦二府屬生童均由府丞考試

一祠祀天聰三年建

先師廟於城東南隅殿三間戟門三間廟門一座○

康熙元年重修

都城隍廟○五年增修學宮並建

啓聖祠○三十二年重修

啓聖祠三間○四十九年增修

大成殿為五間大成門一座啓聖門一座繚垣二

百丈○雍正九年建

先農壇於德盛門外東南隅○十一年建

社稷壇於天祐門外西南隅前建

風雲雷雨山川壇

欽定大清會典則例卷一百五十五